



Keadaan banjir kilat di Lebuhraya Damansara-Puchong sebelum Plaza Tol PJS ke Puchong Jaya.



Kenderaan terperangkap dalam banjir di Lebuhraya Damansara-Puchong semalam.

[FOTO IHSAN BOMBA DAN PENYELAMAT]



Hakisan tanah di Taman Puncak Kinrara akibat hujan lebat, petang semalam.

Hujan sejam, ribuan terkandas

➔ Beberapa kawasan di Puchong, Kuala Lumpur, Putrajaya dinaiki air

Oleh Nadia Hamid, Nor Azizah Mokhtar Safeek Affendy Razali dan Suhaila Shahrul Annuar
bhnews@bh.com.my

► Kuala Lumpur

Beberapa laluan sekitar Lembah Klang tenggelam selepas hujan lebat hanya kira-kira sejam bermula jam 3.30 petang semalam, menyebabkan ribuan pengguna terkandas dalam kesesakan lalu lintas.

Antara lokasi terjejas adalah tempat letak kereta Pusat Perniagaan IOI Mall dan Jalan Bukit Puchong di Puchong, Jalan Pantai Bharu dan Jalan Bangsar. Beberapa kenderaan turut terperang-

kap di Jalan Bukit Puchong di laluan menuju Putrajaya dan laluan bertentangan ke Damansara.

Air bertakung

Bomba Selangor menerima laporan banjir kilat di Pusat Perniagaan IOI Mall Puchong pada jam 3.40 petang dengan air naik setinggi 0.6 meter, susulan hujan lebat dianggarkan berukuran 80 milimeter (mm) yang menyebabkan air bertakung di jalan, namun tiada insiden buruk dilaporkan sehingga air mulai surut jam 5 petang.

Runtuhan kecil membabitkan sebahagian tembok di sebuah apartmen di Blok B Jalan TTK 2/3 Taman Puncak Kinrara, Puchong, turut dilaporkan. Difahamkan, ia susulan hakisan tanah di tebing

Fakta nombor

0.6 METER

air naik susulan hujan lebat di IOI Mall Puchong

0.3 METER

air naik di Presint 11, Putrajaya

rumah setinggi kira-kira tiga meter, tetapi tidak menyebabkan kejadian tidak diingini.

Di **Putrajaya**, hujan lebat selama 20 minit di pusat pentadbiran Kerajaan Persekutuan menyebabkan kawasan pembinaan berhampiran Projek Perumahan Awam 1Malaysia (PPA1M) di Presint 11 turut dilanda banjir kilat dengan air naik sehingga kira-kira 0.3 meter, dipercayai akibat saluran tersumbat.

Presiden Perbadanan Putrajaya (PPj), Datuk Seri Hasim Ismail, berkata PPj mengarahkan projek pembinaan di kawasan itu ditangguhkan sementara untuk kerja pembersihan dan supaya sistem saluran di situ diperbaiki termasuk memperbesarkan parit untuk mengelakkan banjir kilat berulang.